

青春诗会



何 鹤(北京)

河边观捕鱼有记

风梳杨柳影参差,初试春波岂肯迟。
吞下金钩由自取,张开天网复谁知。
平安总在边缘处,好运常随低调时。
莫为诗情遮望眼,堤边光景要深思!

天时名苑赏杏

重归名苑觅芳姿,听鹊声中猎艳迟。
小径自能春烂漫,南园谁忆雨参差。
最难此际拈花手,犹向去年寻梦枝。
蝶影穿梭香雪海,烟霞深浅应天时。

春到香山

草长莺飞又一轮,香山雨后日初新。
枝头好句凭谁钓,笔底清风犹自珍。
为续太平桥下梦,来赊定慧寺东春。
堤边回首波光远,杏蕾含羞柳色匀。

刘鲁宁(上海)

小院,兼贺烟台诗词学会成立一周年

山前多细雨,云外有人家。
小圃竹篱短,能围四季花。

中秋值雨

长守申城雨一帘,鬓边雪色又新添。
晚风散去辨花气,略带胶东月饼甜。

素描

秋水依依楼影长,轻风细送桂花香。
是谁坐在琴声里,一扇小窗看夕阳?

纪 顺(黑龙江·哈尔滨)

戊戌元宵寄怀敏弟沪上

冰灯雪塑夜悠悠,极目车龙阻客流。
万里关山同此日,半城烟火证春秋。
近庖君子业犹在,分袂书生思未休。
一样酒闲月痕浅,明年吟句共池州。

悼红柯先生

凶问遽来哀已沉,当时课上记怀深。
舞沂争拥方丈室,谈学欣余秦地音。
彩笔征西十年梦,文章许贵洛城心。



弦歌易逝风华在,海内于今和泪吟。

咏仙人掌

瓷盏何当寄汝身,北窗寥落浞风尘。
化形水殿曾承露,带刺芳丛不近人。
襟抱大荒连绝漠,心随炎灼望阳春。
想来亦矫洛城旨,花信等闲于获麟。

巴浩文(山东·烟台)

春日客道中

烟柳青青带草沙,江山淡淡主生涯。
春风每被流光妒,便向行人洒落花。

看叙利亚外交官及大马士革战后图片杂感

座下垂头不似官,看来应已费清谈。
大梦鼻息惊睡起,小国春色是愁端。
战中童子学拾骨,泣后草花随目寒。
千古凭谁消郁怒,东风吹卷海生蛮!

柳梢青

燕舞谁生,别来柳样,犹擅倾城。
掌上消息,雨时书简,花后春风。

水天强要浮名。每自笑、无端又惊。
重过南楼,故人何在,冷月无声。

方建飞(浙江·平湖)

金缕曲

戊戌上巳,俞老师相约钟溪三月三诗会,余因事未能成行。曾记钟溪八月诗会、樱花诗会俱未践约。遂赋小词以寄。

屡负钟溪约。算当年,金秋雅集,奈何耽搁?更有初春樱花节,失信柳蹊芳郭。徒念想、红英灼灼。今又承师传微信,欲相邀、同访乡间乐。怨俗事、缚双脚。想来小镇应非昨。绕心头、长风宝塔,凌樱高阁。试效先贤重修禊,文脉千秋绵络。看今日、新诗谁作。愧我闭门无佳句,枉教人、还向枯肠索。穷远目、燕轻掠。

西江月·题亚娟微信朋友圈明湖照片

吹绿半湖荷叶,熏黄满树枇杷。
南风尽日柳条斜。天气又逢初夏。

两两三三野鹭,星星点点闲花。
高楼隔水是谁家。一座长桥横跨。

王英(浙江·海宁)

戊戌新岁步秋雨

一梦慵慵跨过年,觉来事事散如烟。
流光喜浣青丝浅,纤枕梅风伴我眠。

金缕曲·与友咏烟

笑靥绯霞媚。正慵慵、醺然半倚,一支燃起。抬望灯明阑珊处,照影清波旖旎。偶聚得、尘间知己。茶酒些些酬旧雨,似今宵、橹棹歌声里。吐肺腑,弹纤指。雾云袅袅情何已?缱绻处、和氛融融,萦香细细。休道人生皆如戏,但凭畅言无忌。许诗约、他时遥递。吹散随风终不悔,聚微群、再续心神会。思缥缈,夜无际。



李 远(浙江·桐乡)

端午杂咏

一

天中日届映红榴,菰粽香飘入饕餮。
越女钗头依虎艾,吴儿浪里竞龙舟。
浴兰诚祈华年健,酌酒非关雅兴悠。
伍相祠前诗客去,不平更逐晚潮浮。

二

汨水唯看碧叶驰,逐臣遗恨复谁知。
龙舟竞去争标锦,角黍餐来快朵颐。
一曲歌吟非楚调,几人凭吊引湘危?
招魂时下何嗟及,不问归期问假期。

山柏荣(浙江·嘉兴)

春分台州客舍夜坐

春宵倒反剧春寒,野馆昏灯只影单。
排闷思由羁里发,开花忙到落时看。
江山业已新人事,云水依然古岙滩。
检点中年无限意,来听客夜雨阑珊。

富春江小三峡

漫展黄公卷,乘舟画里行。
山开江广阔,岸迴树青冥。
人境离尘浊,神功蕴地灵。
疲心久劳碌,藉此一栖停。

何亚兵(江苏·扬州)

无 题

柳桃掩映下扬州,初见如倾语未休。
今日鸿鳞无寄讯,当年烟火共悠游。
空留木栳传幽恨,何剩清音解悒愁?
最是故人难忆处,亦嗔亦笑亦含羞。

徐翠方(江苏·无锡)

无 题

深庭一夜雨,客里万般愁。
解尽鹑裘处,无言倚小楼。

对 月

指上年华如水流,舞衣歌管总成休。
知交惟是楼头月,斜送清晖兑酒瓯。

罗贤慧(四川·遂宁)

卜算子·清明还乡

又拐黄龙弯,又过青纱坳,又是
槐花十里香,又见炊烟袅。 绕过
矮竹篱,就听阿黄叫。小侄欢忙相奔
迎,老父迎门笑。

清平乐·12月7日大雾下乡扶贫

轻车熟路,穿破重重雾。十米不
分人与树,恍入蓬莱仙渡。 隐约
认出人家,喊声大叔大妈。黄犬奔迎
院外,忽忽摇断尾巴。

凌 宇(安徽·芜湖)

悼老师

残歌一曲裹新尘，梦落春风几处寻？
甘为余生题彩笔，肯将遗愿继初心？
未知四秩芳华逝，不悔无言冷月侵。
雁去蓝天依旧是，浮云散尽更留痕。

张友福(云南·嵩明)

春居宝峰

谁此种春色，烟村看不穷。
绿油油一地，红艳艳千丛。
画入山朝北，诗流水向东。
今来何限意，都寄白云中。

清明偕妻村中夜步

入夜闻清响，村蹊两影横。
风凉山外聚，月淡水中生。
骚客为迁客，芳卿爱绿卿。
欢言近花圃，适可发诗声。

郭文泽(江苏·邳州)

贺新郎·夜回乡下路上

又是回程晚。住湖边、久无人气，
我居偏惯。不向红尘争分秒，爱与光
阴同慢。每一日、猫陪犬伴。花草数坪
蜂蝶憩，入秋来更有虫声断。鸟掠过，
豆藤颤。如今万事堪留恋。树林
间、众生安好，梦随风倦。枯叶时时车
前落，露气茫茫未散。忽听得、家鹅器
乱。我到路灯无奈处，看星空可有流

星窜。要合十，许些愿。

徐登峰(上海)

清晨出行见路边林荫下一片火红的 杜鹃花

似闻杜宇隔林啼，露浥花红翠影低。
风动玉梢娇女舞，蜂喧骨朵路人迷。
纤纤枝干见情地，袅袅晨烟暖野溪。
佛力难留春色老，姿容独染小楼西。

沈利斌(浙江·杭州)

观袁志鹏兄瀑布图

森森岩壑正青黄，点染风云连莽苍。
一瀑天来寒湿面，寂然久对竟茫茫。

幼儿园汇演，小儿跳《小小一粒沙》舞

今朝不复旧顽石，来作沧溟一粒沙。
如此光阴静中好，徒怜车马误年华。

三十六岁生日打油二首

一

三纪春光回首惊，悲欢历历莫能名。
东风吹尽南风过，眸底微澜片叶轻。

二

诸事无成意转平，湖山亦懒约吾行。
今宵杯满白开水，对月对花聊一倾。



新 北 集

浙江经济职业技术学院学生习作选

李欣员 轻舟短棹西湖行

一角西湖入画屏，
苏堤桥畔逐流萤。
荷塘月色行舟过，
卧看银河仰看星。

祝杰旺 乡思

风拂秀靥撩尘香，
何处孤舟旧月光。
夜色苍苍浑似梦，
虫声吟处却思乡。

陆伊甸 飘香

北门将出欢声绕，鼻间花香何处寻？
偶见亭亭红杏立，人间四月正当春。

王莹 西湖春色

湖上画船西复东，桃花浪暖柳阴浓。
断桥如带人如蚁，水映群山耸碧空。

李薛 异乡求学有感

仲夏节临草木香，幽渠照月印流光。
暑夜深深思不住，读书之处是他乡。

吴琦琦 梦中醉

梅花暗暗吐幽香，绿草盈盈嫩叶长。
莫道梦中君是客，与君同饮醉他乡。

韩臣臣 春伤

枝头红杏入高墙，天色微明伴晓凉。
倩影谁怜窗半倚，不知何处惹离伤。

忆江南

江南望，暮色雨烟绵。薄雾层层深巷外，
暗香缕缕小窗前。夕立却无言。

刘肖莉 春游西湖

西子湖边杨柳青，苏堤如带水天萦。
青山已唤夕阳落，尚有游人幽处行。

杨岚 春来

桥头莺啭百花香，杨柳丝丝映水光。
一缕春风座上客，江南处处是仙乡。

林雯雯 在他乡

雨霁清晨花草香，中庭闲步逝流光。
也知此日终为客，却有春风似故乡。

尤李洁 夜色

月色幽幽入梦屏，流光如幻似流萤。
佳人双目清如水，涵映夜空三两星。

马佳莉 十六字令

风，拂过垂杨寒意轻。蓝天望，白鹭一双行。

张静静 十六字令

寒，春日久逢阴雨绵。花开处，小径水成潭。

高靖 忆江南

南飞雁，怎可御西风。秋尽寒来花杳杳，
人间几处欲迷踪。山水万千重。